



ISLAMSKA ZAJEDNICA U BOSNI I HERCEGOVINI
GLAVNA IZBORNA KOMISIJA

Broj: 12-03-3-4763/18

Datum, 07. muharrem 1440. h.g.

17. septembar 2018. godine

U skladu sa članom 39. Izbornih pravila – Prečišćeni tekst br. 03-2-78/15 od 18. rebiu-l-evvel 1437. h.g./29. decembar 2015. godine, Glavna izborna komisija je na svojoj trećoj sjednici održanoj dana 02. muharrema 1440. h.g./ 12. septembra 2018. godine u Sarajevu, donijela sljedeće:

U P U T S T V O
o primjeni Izbornih pravila i provođenju izbora u Islamskoj zajednici

1.
 - Ovim Uputstvom o primjeni Izbornih pravila i provođenju izbora u Islamskoj zajednici se daju uputstva i smjernice u pogledu primjene i provođenja Izbornih pravila i organizacije i provođenja izbora u Islamskoj zajednici s ciljem obezbjeđenja efikasnosti i zakonitosti izbornog procesa u Islamskoj zajednici.
2.
 - Aktivno biračko pravo u Islamskoj zajednici ima svaki njezin član koji je navršio 18 godina života.
 - Aktivno biračko pravo se određuje na osnovu propisa medžlisa o članstvu.
 - Aktivno biračko pravo znači pravo biranja koje se ostvaruje izlaskom na izbore i glasanjem za utvrđene kandidate.
3.
 - Pasivno biračko pravo u Islamskoj zajednici ima svaki njezin član koji je navršio 18 godina života, koji je član IZ-e najmanje tri godine prije izbora i koji izvršava svoje obaveze u džematu.
 - Pasivno biračko pravo znači pravo punoljetnog pripadnika džemata da bude biran u organe za koje se provode izbori.
 - Ovo pravo se ostvaruje učestvovanjem na izborima u svojstvu kandidata.
 - Da bi neki pripadnik mogao biti kandidat potrebno je da plaća članarinu i izvršava svoje obaveze u džematu na način kako je to propisano normativnim aktima medžlisa.
 - Prilikom sastavljanja kandidatskih lista obaveza je voditi računa da kandidati imaju karakteristike koje su Ustavom Islamske zajednice propisane kao obaveze svih članova Islamske zajednice:
 - a) da se pridržava islamskih normi, štiti islamske vrijednosti i čuva islamske običaje;
 - b) da poznaje i primjenjuje propise Islamske zajednice;

- c) da plaća članarinu i daje redovne doprinose i druge priloge za potrebe Islamske zajednice;
 - d) da čuva ugled i jedinstvo Islamske zajednice;
 - e) da je svojim stručnim znanjem i islamskim ponašanjem stekao ugled u džematu u kojem djeluje i sredini u kojoj živi
 - f) da svojim djelovanjem i ponašanjem doprinosi da se ispoštuje ustavni princip prema kojem se u tumačenju i izvršavanju ibadetskih islamskih dužnosti u Islamskoj zajednici primjenjuje maturidijski akaid i hanefijski mezheb.
- U skladu sa preporukom Sabora i Rijasetu svi organi koji učestvuju u organizaciji i provođenju izbora pozvani su da preporuču, ohrabre i potaknu što veće učešće žena i mladih u izborima za organe Islamske zajednice.

4.

- Radi realizacije ovoga prava džemati i medžlisi se zadužuju da, prije održavanja izbora, sačine biračke spiskove na bazi evidencija o članstvu. Također, birački spiskovi trebaju sadržavati informacije iz kojih će se moći utvrditi status birača u pogledu njegovog prebivališta, odnosno boravišta. Svaki medžlis je dužan da ima spiskove u elektronskoj formi.
- Biračke spiskove utvrđuje izborna komisija džemata a verificira izborna komisija medžlisa u roku kojeg određuje Glavna izborna komisija. Birački spisak se utvrđuje, verificira i zatvara prije datuma utvrđivanja kandidatskih listi. Biračko pravo ne mogu ostvariti osobe koje nisu na biračkom spisku.
- Izborna komisija džemata je dužna da na oglasnoj ploči džemata istakne privremene biračke spiskove u rokovima koje odredi Glavna izborna komisija.
- Izborna komisija medžlisa će u postupku verifikacije biračkih spiskova odlučivati o eventualnim prigovorima na biračke spiskove koje dostavi izborna komisija džemata.
- Prilikom glasanja od članova džemata će se zatražiti legitimacija i svojeručan potpis, na za to određenom mjestu, na biračkom spisku u svrhu evidencije.

5.

- Izborni organi, kao i sva druga tijela i komisije koje učestvuju u provođenju izbora, dužni su se detaljno upoznati sa Izbornim pravilima i drugim propisima kojima se uređuje procedura izbora.
- Izborna komisija džemata dužna je blagovremeno preuzeti od izborne komisije medžlisa glasačke listiće za džematski odbor, skupštinu medžlisa i tijelo za izbor sabornika, kao i obrazce i zapisnike i predati ih biračkom odboru džemata na dan održavanja izbora.
- Birački odbor džemata je dužan sav izborni materijal putem izborne komisije džemata dostaviti izornoj komisiji medžlisa isti dan najkasnije do 21,00 sati.
- Na dan održavanja izbora birački odbor je dužan osigurati da biračko mjesto bude otvoreno od 09-19 sati.

- Birački odbor je dužan obezbijediti kutije za svaku kandidatsku listu posebno i na svaku nalijepiti obrazac glasačkog listića.
- Birački odbor je ovlašten da daje uputstva o glasanju ali bez utjecaja na volju birača.
- Član džemata koji nije sposoban sam obaviti čin glasanja (nepismeni, slijepi i sl.) može dovesti pratioca koji će glasati za njega ili može zatražiti od druge osobe koja se nađe na biračkom mjestu da u njegovom prisustvu obavi glasanje umjesto njega
- Lica koja su imenovana u izborne organe ne mogu biti na kandidatskim listama za organe Islamske zajednice.

6.

- Kandidatske liste za izbore na nivou džemata sastavlja izborna komisija medžlisa na prijedlog Izborne komisije džemata. Izborna komisija džemata, prije utvrđivanja prijedloga kandidatske liste, ima obavezu konsultirati nadležnog džematskog imama, te džematlije na odgovarajući način. Prilikom sačinjavanja kandidatske liste obavezno se vodi računa o teritorijalnoj zastupljenosti.
- Prilikom kandidiranja obavezno se treba voditi računa da kandidati iz jednog džemata budu članovi tog džemata sa stalnim prebivalištem u džematu, izuzev u onim džematima koji, zbog progona i raseljavanja stanovništva te nedovoljnog povratka, nisu u mogućnosti ostvariti ovaj princip. O potrebi provođenja izbora po principu boravišta odlučivat će okružna izborna komisija koja je o tome dužna upoznati Glavnu izbornu komisiju.
- Sastavljači prijedloga kandidatske liste iz ovoga člana su dužni potvrditi medžlisu, pisanom izjavom sadržanom u prijedlogu kandidatskih lista, postojanje saglasnosti predloženih kandidata da prihvataju kandidaturu.
- Kandidatske liste treba da sadrže najmanje dupli broj kandidata od broja koji se bira.

7.

- Glasanje se provodi putem glasačkih listića koje izrađuje i svojim pečatom ovjerava medžlis.
- Glasачke listiće zadužuje izborna komisija džemata uz potvrdu o broju izrađenih i predatih glasačkih listića za određeni džemat.
- Svaki glasački listić treba da sadrži: naziv organa ili tijela za koje se vrši izbor, redne brojeve i imena kandidata, naznaku koliko se kandidata bira i pečat nadležnog organa.
- Na glasačkim listićima glasač zaokružuje redne brojeve pod kojima su upisani kandidati kojima on daje svoj glas.
- Glasачki listić neće biti važeći ukoliko je zaokruženo više kandidata od broja koji se bira.
- Glasачki listić je važeći ukoliko je zaokruženo manje kandidata od broja koji se bira.

- Glasački listići na kojima je vršeno bilo kakvo prepravljnje, dopisivanje ili potpisivanje, smatrat će se nevažećim.
- Birački odbor, odmah nakon što je isteklo 19,00 sati i nakon što se uvjerio da nema više glasača koji čekaju da izvrše postupak glasanja, pristupa javnom utvrđivanju rezultata glasanja, što znači da zainteresirane džematlije mogu prisustvovati činu prebrojavanja glasačkih listića sve do utvrđivanja konačnih rezultata glasanja.
- Prilikom brojanja glasačkih listića birački odbor će odvojiti važeće od nevažećih glasačkih listića.
- Nakon prebrojavanja glasačkih listića birački odbor će sačiniti zapisnik o rezultatima glasanja na biračkom mjestu za svaku kandidatstvu listu odvojeno, te kompletan materijal odmah predati izbornoj komisiji džemata koja će dostaviti kompletan materijal izbornoj komisiji medžlisa u roku od 24 sata.

8.

- Biračko mjesto mora biti u objektu Islamske zajednice.
- Izborna, odnosno biračka mjesta određuje izborna komisija medžlisa na prijedlog izborne komisije džemata.
- Članovi džemata moraju biti blagovremeno i na prigodan način obaviješteni o mjestu održavanja izbora tj. biračkom mjestu.
- Birački odbor se zadužuje da biračko mjesto organizira tako da se ispoštuje princip tajnosti glasanja.

9.

- Kandidatsku listu za članove izvršnog odbora medžlisa sačinjava okružna izborna komisija na prijedlog izborne komisije medžlisa. Izborna komisija medžlisa, prije utvrđivanja prijedloga kandidatske liste, ima obavezu konsultirati glavnog imama.
Izborna lista sadrži najmanje dvostruki broj kandidata od broja koliko se članova bira u izvršni odbor medžlisa. Prilikom sastavljanja kandidatske liste za članove izvršnog odbora obavezno se vodi računa o teritorijalnoj zastupljenosti.
- Glasanje za članove izvršnog odbora se provodi na jedinstvenom glasačkom listiću koji se ovjerava pečatom muftijstva a čiji izgled određuje Glavna izborna komisija.
- Izabranim se smatraju oni kandidati koji dobiju najveći broj glasova, uz obavezno poštivanje kvote zaposlenika u izvršnim odborima koja je predviđena Izbornim pravilima, a o čemu će se, također, odlučivati na temelju broja dobivenih glasova.
- Pod zaposlenicima u smislu prethodnoga stava se podrazumijevaju lica koja imaju zasnovan radno-pravni status u medžlisu i koja su angažovana za obavljanje privremenih i povremenih poslova.
- Kandidati za članove izvršnog odbora medžlisa su dužni potpisati izjavu o prihvatanju kandidature koja će biti jedinstvena za sve medžlise te dostaviti kratku biografiju.

10.

- Kandidatske liste za izbor sabornika sačinjava Glavna izborna komisija na prijedlog okružne izborne komisije. Okružna izborna komisija prije utvrđivanja prijedloga kandidatske liste ima obavezu konsultirati nadležnog muftiju.
- Glasanje za članove Sabora se provodi po izbornim okruzima na jedinstvenom glasačkom listiću koji se ovjerava pečatom muftijstva, a pravi na temelju kandidatske liste utvrđene od strane Glavne izborne komisije.
- Kandidati za članove Sabora su dužni potpisati izjavu o prihvatanju kandidature koja će biti jedinstvena za sve kandidate te dostaviti kratku biografiju.



Predsjednik Glavne izborne komisije
Mensur Karadžić